

**28 ИЮНЯ: Иже во святых отца нашего Ионы, Митрополита
Московского и всей России.**

Вечером 27 июня

Изменяемое №1

На Господи воззвах:

Стѹх: Изведи из темницы душу мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония азриши, Господи, Господи, кто постоит; яко у Тебе очищение есть.

Глас 4. Егда Божественное найде на тя звание,/ Ионо Богомудре,/ тогда мир и яже в мире оставил еси/ и Христу последовал еси невозвратным помыслом./ Отонудуже Всевидящее Око,/ виде твоё доброе произволение,/ святительством тебе украшает./ Сего моли и Тому помолися/ спасти и просветити души наша.

Стѹх: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Егда Божественное сияние в сердца твоём,/ Ионо святителю, вселися,/ тогда радость пресветлую/ и пречестную славу восприим,/ отсюду вся сущая, яко преходящая, имёл еси,/ единому же Богу от сердца прилепился еси./ Того моли и Тому помолися, великий во архиереех,/ спасти и просветити души наша.

Стѹх: От стражи утренния до нощи, от стражи утренния, да уповает Израиль на Господа.

Егда Божественное рачение найде на тя, святителю,/ тогда, весь от юности себе Владыце Христу возложив,/ Сего возжелёл еси/ и, всяких страстей, долу влекущих, очыщая,/ отсюду дом и жилище Пресвятаго Духа явился еси,/ преславная содевая чудодейства./ Христа моли спасти и просветити души наша.

Стѹх: Яко у Господа милость, и многое у Него избавление, и Той избавит Израиль от всех беззаконий его.

На землі, яко Ангел, пожив,/ всеблаженне святителю Іоно,/ над
страстьми воцарілся еси,/ хуждшее покорил еси лучшему./ Тémже,
прешэд к непреходящему Царствию,/ молися присно низпослати
верно чтущим тя/ грехов очищение и велию милость.

Стіх: Хваліте Господа всі язїцы, похваліте Егo всі людїе.

Богодарованную ти паству,/ святителю Іоно,/ твоїми ученїи
дóбре упасл еси/ на злацех живóтних,/ нýне же прешэд к
незаходїмому сиянїю/ и присносущному веселию,/ поминай,
преблаженне, люди,/ чтущия честное успение твоє,/ и моли спастися
душам нашим.

Стіх: Яко утвердїся милость Егo на нас, и истина Господня пребывает во век.

Великаго архиерея, Іоны блаженного,/ священную память днесь
совершающе,/ Божественными пєсньми, приидіте вси, почтїм/ о
нас всегда молящася,/ низпослати множество щедрот/ и спасение
душам нашим.

Слава, глас 6: Благоухает Божественная рака мощей твоїх,/ Іоно
святителю,/ всем верным исцеление душам и телесам дарующи./
Тémже тя молим/ Богодарованное твоє стадо в міре соблюстї,/
отечество же и все православіе,/ да вси тебе, яко истиннаго
пастыря/ и молитвенника к Бóгу,/ непрестанно величаем.

И нýне, Богородичен: Кто Тебе не ублажит, Пресвятая Дево;/ кто ли не
воспоет Твоего Пречистаго Рождества;/ безлетно бо от Отца
возсиявый Сын Единородный,/ Тойже от Тебе, Чистыя, пройде,/
неизреченно воплощься,/ естеством Бог Сый,/ и естеством быв
Человек нас ради;/ не во двою лицу разделяемый,/ но во двою
естеству/ неслитно познаваемый./ Того моли, Чистая Всеблаженная,/
помиловатися душам нашим.

<далее см. основной Чин>

Изменяемое №2

Прокїмен после «Свете тихий»: *См. Прокимен дня <далее см. основной Чин>*

Изменяемое №3

Паримии:

Прїтчей чтение (главы 3 и 8):

Память праведнаго с похвалами,/ и благословение Господне на
главе егo./ Блажен человек, иже обретє премудрость,/ и смертен, иже

увéде рáзум./ Лúчше бо сию куповáти, нéжели зláта и сребрá сокровища./ Честнéйша же есть кáмений многоцéнных,/ все же честнóе недостóйно ея́ есть./ Долготá бо дний и лéта животá в десни́це ея́,/ в шу́йце же ея́ богáтство и слáва./ От уст ея́ исхóдит прáвда,/ закóн же и мило́сть на язы́це нóсит./ Послу́шайте ўбо менé, о ча́да, честнáя бо реку́,/ и блажéн человек, íже путí моя́ сохранит:/ исхóди бо мой – исхóди животá,/ и уготовл́яется хотéние от Гóспода./ Сегó рáди молю́ вас и предлагáю мой глас сыновóм челове́ческим:/ я́ко аз, премúдрость, устро́их совет/ и рáзум и смысл аз призва́х:/ мой совет и утверждéние,/ мой рáзум, моя́ же крéпость./ Аз менé любя́щая люблю́,/ íщущии же менé обря́щут благодáть./ Разуме́йте ўбо, незлóбиви́и, кова́рство,/ ненака́занны́и же, прилага́йте серде́цá./ Послу́шайте менé и па́ки, честнáя бо реку́,/ и отве́рзу от усте́н прáвая,/ я́ко íстине поучи́тся гортáнь моя́,/ мёрзки же прéдо мно́ю устны́ лж́ивыя./ С прáвдою вси глаго́лы уст моих́,/ ничтóже в них стрóпотно, ниже́ развращё́нно./ Вся прáва суть разумева́ющим и прóста обрета́ющим разум./ Научáю бо вас íстине,/ да бúдет о Гóсподе наде́жда ва́ша,/ и испо́лнитеся Дúха.

Премúдрости Соломо́новы чтéние (гла́вы 10, 6 и 8):

Уста́ прáведнаго ка́плют премúдрость,/ устне́ же мужéй мúдрых ве́дят благодáть./ Уста́ мúдрых поучáтся премúдрости,/ прáвда же избавл́яет их от смéрти./ Сконча́вшуся мúжу прáведну, не погíбнет наде́жда./ Сын бо прáведен ражда́ется в живóт/ и во блаѓих сво́их плод прáвды обы́мет./ Свет прáведным всегдá,/ и от Гóспода обря́щут благодáть и слáву./ Язы́к мúдрых до́брая свeсть,/ и в се́рдце их почи́ет мúдрость./ Лю́бит Госпо́дь преподо́бная серде́цá,/ приятни́ же Емú́ вси непоро́чны́и в путí./ Мúдрость Госпо́дня просвещáет лице́ разу́мнаго./ Постига́ет бо жела́ющия ю́, прéжде да́же разуме́ти ю́,/ и удо́бь ўзрится от любя́щих ю́./ Утренева́вый к ней не утрудíтся,/ и бдяй ея́ рáди вскóре без печа́ли бúдет./ Я́ко достóйных ея́ сама́ обхо́дит, íщущи́и,/ и во стезя́х ея́ явл́яется им благоприёмне./ Мúдрости никогдáже одоле́ет зло́ба./ Сих рáди и рачи́тель бых добрóты ея́,/ и возлюбíх ю́, и поиска́х от ю́ности моея́./ И взыска́х неvéсту привeстí себе́, я́ко всех Влады́ка возлюбí

ю./ Тайбница бо есть Бóжия х́итрости и обретáтельница дел Егó./ Труды́ ея́ суть добродéтели,/ целомúдрию же и рáзуму та уч́ит, правде и мúжеству,/ íхже потрéбнее ничтóже есть в житíи челоуéком./ Áще же и мнóгаго иску́сства желáет кто,/ вестъ дрéвняя и б́ити хотя́щая разсмóтит./ Свестъ изв́ития словéс и разрешéния гадáний:/ знáмения и чудесá проразумéет и сб́ития времён и лет/ и всем советник есть благ,/ я́ко безсмéртие есть в ней и благослáвие во общéнии словéс ея́./ Сегó рáди бесéдовах ко Гóсподу, и помолíхся Емú,/ и рех от всего́ сёрдца моего́:/ Бóже отцёв и Гóсподи м́лости,/ сотворíвый вся слóвом Твоím/ и мúдростию Твоею́ устрóивый челоуéка,/ да владéет б́ившими от Тебé тварьмí/ и да управл́ает мир в преподóбии и правде./ Дадь ми Тво́их престóлов приседя́щую премúдрость/ и не отлучí мене́ от óтрок Тво́их,/ я́ко аз раб Твой и сын раб́ини Твоея́./ Послí ю с Небёс от свята́го жили́ща Твоегó/ и от престóла слáвы Твоея́,/ да, сýщи со мно́ю, науч́ит мя, что благоугóдно есть пред Тобóю./ И настав́ит мя в рáзум,/ и сохран́ит мя в слáве своéй./ Помышл́ения бо смéртных вся боязли́ва/ и погреш́ительна умышл́ения их.

Премúдрости Соломо́новы чтéние (гла́вы 4, 6, 7, и 2):

Похвал́яему праведнику, возвеселя́тся лю́дие./ Безсмéртие бо есть па́мь егó,/ я́ко от Гóспода познава́ется и от челоуéк,/ и угóдна Гóсподеви – душá егó./ Возлюбíte ўбо, о мúжие, мúдрость, и поживéте,/ восхо́щите ея́, и наказани б́удете./ Нача́ло бо ея́ – любы́ и соблюде́ние за́кона./ Почтíte премúдрость, да во вéки ца́рствуете./ Возвещú вам и не скрýю от вас та́ин Бóжих,/ я́ко Той мúдрости настав́ник есть, и мúдых исправ́итель,/ и вся́кому смýслу и де́лу Хитре́ц./ И всем смýслом науч́ит мúдрость,/ есть бо в ней Дух разу́мен и Свят,/ и сия́ние Свёта присносýщнаго, и о́браз бла́гости Бóжия./ Та дру́ги Бóжия и проро́ки устрóяет,/ благоле́пнейши же есть со́лнца и па́че вся́каго сотворéния звезд,/ свéту сосужда́ема, обретáется пёрвейши./ Та угожда́ющих ей от болéзней избáви/ и настави́ на стез́и правыя./ Дадé им рáзум имéти свят, и сохран́и я от ловя́щих,/ и по́двиг крёпок подаде́ им./ Да разумéют вси, я́ко сильн́ейши всего́ есть благоче́стие./ И никогда́же премóжет злóба

мудрости,/ ниже прейдет, злыя обличаючи, суд./ Рекоша же в себе,
помысливше неправедно:/ насильствуем праведному, не пощадим
преподобства его,/ не усрадимся седин старости многолетны./ Будет
бо нам крепость закон,/ и уловим праведнаго, яко неугоден нам
есть,/ и противится делом нашим, и поносит нам отпадение закона,/
и обличает нам согрешения наказания нашего./ Возвещает нам
разум имети Божий/ и отрока Господня себе именует./ Бысть нам на
обличение помышлением нашим, и тяжек нам есть,/ и видим, яко
неподобно иным житие его и изменены стези его./ В поругание
вменихомся ему,/ и удаляется от путей наших, яко от нечистот,/ и
блажит последняя праведных./ Видим убо, аще словеса его истинна
суть,/ искусим, яже сбываются ему./ Руганием и мукою истяжем его,
да разумеем кротость его,/ и искусим беззлобство его, смертью
безобразною осудим его,/ будет бо посещение от словес его./ Сия
помыслиша и прельстишася:/ ослепи бо я злоба их, и не разумеша
таин Божиих,/ и не разсудиша, яко Ты еси Бог един,/ живота имеяй и
смерти власть,/ и спасаая во время скорби,/ и избавляая от всякаго
зла./ Щедр и Милостив, и дая подобным Своим благодать,/ и
Своею мышцею гордым противляясь.

<далее см. основной Чин>

Изменяемое №5

По полиелее седален *глас 8:*

Яко добродетелен и кроток, Церковь Христоу уяснил еси,/ дела
соблюл еже по образу Божию, архиерею великий Ионо,/ просия бо
добродетельное житие твое в мире и от всех славится./ Темже вси,
благодаряще, вопиём ти:/ Богоблаженне святителю, моли Христа
Бога грехов оставление даровати/ чтущим любовь Божественную
память твою.

Слава, и ныне: Яко Деву и едину в женах, Тя, без семени рождшую
Бога плотию,/ вси ублажаем, роди человечести:/ Огнь бо вселися в
Тя Божества,/ и яко Младенца млеко́м питаеши Зиждителя и
Господа./ Тем, Ангельский и человеческий род, достойно славим
пресвято́е рождество Твое/ и согласно вопиём Ти:/ моли Христа Бога

согрешений оставление даровати/ поклоняющимся верою пресвятому рождеству Твоему.

Изменяемое №6

Степenna, 1-й антифoн 4-го гласa.

Прокiмен: Уста моя возглаголют премудрость/ и поучение сердца моего разум. *Стих:* Услышите сия, вси языцы, внушите, вси, живущии по вселенней.

<далее см. основной Чин>

Изменяемое №7

По 50-м псалме стихира глас 6:

Благоухает Божественная рака мощей твоих,/ Ионо святителю,/ всем верным исцеление душам и телесам дарующи./ Темже ты молим/ Богодарованное твое стадо в мире соблюсти,/ отечество же и все православие,/ да вси тебе, яко истинного пастыря/ и молитвенника к Богу,/ непрестанно величаем.

<далее см. основной Чин>

Изменяемое №8

Канон святого Ионы глас 8.

Песнь 1

Ирмос: Воду пройд, яко сушу,/ и египетского зла избежав,/ израильтянин вопияше:/ Избавителю, и Богу нашему поим.

Иже от Бога дарования Божественного наслаждаяся,/ кожедо прошение посещая чудесы,/ отонудуже, отче, и мне подаждь силу,/ во еже пети твое священное торжество.

Благодать Божественная излиися во устнах твоих, святителю Ионо,/ и был еси пастырь Христова Церкви:/ украси бо тебе Бог, Егоже житием твоим прославил еси.

Благоухает честная рака мощей твоих и источает здравие:/ недужи же присно от верных отгоняются,/ ты благочестно чтущих, святителю.

Стену тверду Христова Церковь стяжавши ты, святителю,/ присно пребываает, хвалящи своего Владыку, тебе прославльшаго.

Богородичен: Церковь Божия бысть нескверная Отроковица/ всельшемуся паче ума в Тя, Богородице,/ и лесь от душ человеческих отгнавшему.

Ирмос: Небѣснаго круга Верхотворче, Господи,/ и Церкви Зиждителю,/ Ты мене утверди в любви Твоей,/ желаний краю, верных утверждение,/ едина Человеколюбче.

На высоту добродетелей возшел еси, святителю/ и, прием священномасание высокого твоего жития,/ на седищи высоце послужил еси Богу, яко архиерей великий.

Церковь Христова, светильника ты стяжавши, святителю,/ добродетельными твоими учении, премудре, просвещается, глаголющи:/ Ты моя, Господи, крепость и утверждение.

Божественным желанием все плотское желание отринув,/ совершенным житием просиял еси./ Темже отсюда преставился еси к вечернему сиянию.

Яко архиереем приемник был еси, святителю,/ потщався словесы и дела, и поучением правым подобник онем быти./ Темже почитаем ты, яко Христова святителя.

Богородичен: Угля Божественного светозарная клеще,/ купина, не опалившись Божества,/ сеновныя моя попали страсти и огня исхити вечнующаго.

Ин кондак, глас 8: Желанием духовным постническое житие совершив/ и святительства паству прием,/ чистоты ради телесныя и тело твое Владыка Христос соблюде нетленно,/ и Петру чудотворцу наследника ты содела,/ и того нраву последовал еси,/ и учителя ты Христос Своему стаду дарова,/ идеже лежат целебныя мочи твоя,/ благоухают, яко от кадила благовонна,/ и подают исцеления немощным, верою приходящим,/ святителю Ионо, моли Христа Бога непрестанно о всех нас.

Седален, глас 4: Светло житие твое всем явися, и всепразднственная память твоя,/ чудесы облистаящи, удивляет верныя./ Тебе убо ныне радостию почитаем, архиереев похвало,/ моли спастися душам нашим.

Слава, и ныне, Богородичен: Поем Тя, Богоневесто, Мати Христа Бога,/ славяще рождество Твое непостижимое,/ имже избавихомся от

лѣсти диаволи/ и всякия беды, Богородице Владычице, и верно
вопиѣм:/ помилуй стадо Твое, еди́на Всепѣтая.

Песнь 4

Ирмос: Услы́шах, Гóсподи,/ смотре́ния Твоегó та́инство,/ разуме́х дела́ Твоя́/ и
просла́вих Твое́ Божество́.

Вели́кое свети́ло, сия́нии твои́х добродѣтелей/ и светлосты́ми
чудес просвещáеши вѣрныя,/ искренно тебѣ пою́щия, святителю.

Яко прекра́сная масли́на, о́тче, насажде́н быв, святителю, в дому́
Госпо́дни,/ и во дво́рех до́му Бо́га на́шего процвѣл еси́,/ подава́я
здрáвие душáм и телесém.

Всечестно́е тѣло твоѣ, святителю Ио́но, дом Пресвята́го Дúха
бысть:/ во грóбе бо лежá, дúхи лука́выя от человек прогоня́ет/
си́лою в тебѣ Живу́щаго.

Сло́вом и дѣлы и простото́ю сѣрдца просия́л еси́, Ио́но
святителю,/ помина́й нас, чту́щих па́мь твою́, преподо́бне.

Богородичен: И́же все́ми Невмести́мый, Пречи́стая, вмещáется во
утрóбу Твою́,/ спаса́я мя блага́стию, погруже́ннаго грехи́.

Песнь 5

Ирмос: Вску́ю мя отрину́л еси́/ от лица́ Твоегó, Свѣте незаходи́мый,/ и покрýла
меня́ есть чужда́я тьма, ока́яннаго?/ Но обрати́ мя и к свѣту за́поведей Твои́х/ пути́
моя́ напра́ви, молю́ся.

Чист ум твой к Бо́гу имѣя, святителю, всегда́,/ дóбре упрáвил еси́
Христóво стадо,/ тѣмже ўбо и непреходя́щее селѣние со А́нгелы и
архиере́и насле́дил еси́, преподо́бне,/ отону́дуже сия́еши чудесы́.

Умо́м чистѣйшим рассмотре́л еси́ Ума́ всех вино́внаго,/ сего́ ра́ди
приѣмь дарова́ния чудес, святителю,/ вѣрныя удивля́еши, любóвию
тебѣ почита́ющия, премúдре.

От ю́наго вóзраста жити́е твоѣ просия́,/ добродѣтелями укра́шено,
Ио́но святителю,/ и чудесы́ высóкими удобре́но, блаже́нне,/ е́же и по
преставлѣнии просла́ви тя явлѣнна.

Сла́ва святителей и вѣрных люде́й заступник вои́стинну, о́тче, был
еси́,/ красота́ Цѣркве, и основа́ние добродѣтелей,/ и благоче́стия
утвержде́ние, достохва́льне.

Богорóдичен: Вѣдеша Божѣственнаго таинства, Богорáдованная,/ непостижимую глубинѹ честнѣи прорóцы/ чѣстаго рождества Твоего, Пречѣстая,/ разлѣчными óбразы, я́коже вмести́ша.

Песнь 6

Ирмós: Молѣтву пролиѹ ко Гóсподу/ и Тому́ возведу́ печáли моя́,/ я́ко зол душá моя́ испóлнися/ и живóт мой áду приблѣжися,/ и молю́ся, я́ко Ио́на:/ от тли, Бóже, возведи́ мя.

Благолѣпия венцѣм украшен, сияеши ны́не, святѣтелю,/ я́ко ѣстинный архиерей, правдою воѣстинну одѣявся, предáние Спáсово соблю́д./ Тѣмже и звáнию Божѣственному сподóбился еси́, вопиѹщу ти:/ вни́ди в рáдость Гóспода твоего́.

Крóток и незлóбив, Влады́чним стопáм возслѣдуя, преподóбне,/ и преходя́ от тлѣнных к вѣчным,/ отонѹдуже и зѣмлю крóтких со святѣими достѣгл еси́./ Сего́ рáди ты собóри благочестѣвых воспева́ют.

Твоего́ рáди житѣя вели́каго и чистотѣ сы́на ты свѣта и дне Христóс показá/ и архиерея́ и пáстыря Цѣркве Своея́ содѣла,/ идѣже послужѣв я́ко пáстырь изря́ден,/ ко обѣтелем Небѣсным восхóдиши.

Разсуждѣнием умá и желáнием духóвным распалáемь,/ жизнь твою́, святѣтелю, проходѣл еси́/ и, не сѹщая, я́ко преходя́щая, мѣмо те́кий,/ к Божѣственным селѣнием, óтче Ио́но, преложѣлся еси́.

Богорóдичен: Освятѣ дѹшу мою́, Дѣво, Я́же Святóе рóждши Сло́во,/ воѣстинну во святѣх, я́ко пречѣсто, почивáющаго, едѣнаго Бóга нашего́,/ и дáруй ми, я́ко Мѣлостива, умилѣния тѹчу, Пренепорóчная.

Конда́к, глас 8: Я́ко от младѣнства Гóсподеви поработѣв себѣ, мѹдре,/ постóм и бдѣнием тѣло твоѣ удруча́я,/ тѣмже сосѹд чист и дом Дѹху Пресвятóму явѣлся еси́,/ сего́ рáди и Цѣркви Свое́й тебѣ архиерея́ и пáстыря устрóяет,/ ю́же дóбре упáс, ко Гóсподу отхóдиши, Егóже возлюбѣл еси́./ Тем мо́лим тя:/ помина́й нас, вѣрою чтѹщих святѹю пáмять твою́, да вси зове́м ти:/ рáдуйся, óтче Ио́но, святѣтелю всечестнѣй.

Їкос: Челоу́ек у́бо сый естество́м, о́тче,/ но па́че челоу́ека
подви́залься еси́ в постѣх, и бде́ниях, и моли́твах, и труде́х,/ я́ко о́браз
быв добродѣтели мно́гим;/ сего́ ра́ди тя Бог архиере́я и па́стыря
Цѣркве Своея́ устро́яет./ Отону́дуже ты моли́м:/ моли́ся Благода́телю
всех Бо́гу,/ во е́же стране́ на́шей, чту́щей ты, дарова́ти побѣду на
враги́/ и нам обрести́ благода́ть и ми́лость в День Сۇ́дный, да вси
зовѣм ти:/ ра́дуйся, о́тче Ио́но, святите́лю всечестны́й.

Песнь 7

Ирмос: *От Иудѣи доше́дше, о́троцы/ в Вавило́не иногд́а/ ве́рою Тро́йческою
пла́мень пе́щный попра́ша, пою́ще:/ о́тцев Бо́же, благословѣ́н еси́.*

Ви́дев твоѐ благо́е произволе́ние Христóс Бог,/ я́ко не себѣ
живѣши, но де́йствующему в тебѣ Го́споду,/ тем украша́ет ты чуде́с
исцелѣ́нием.

Чи́стыми де́лы и исправле́ньми твои́ми просия́в, я́ко свети́ло,/
Богода́нную ти Цѣрковь до́бре упасл еси́, поя́ Христу́:/ о́тец на́ших
Бо́же, благословѣ́н еси́.

Я́ко в за́коне Господни́ поуча́йся день и но́щь, святите́лю,/ за́дняя
забыва́я, на пре́дняя же простира́яся, Творцу́ и Влады́це вопия́л
еси́:/ благословѣ́н еси́, Го́споди, Бо́же о́тец на́ших.

Изря́дно жити́е твоѐ, святите́лю, все́ми позн́ано бысть,/ сего́ ра́ди
и по преставле́нии прославля́ет ты Христóс,/ Емۇ́же усер́дно
послужил еси́, Ио́но, о́тче наш, поя́:/ о́тец на́ших Бо́же, благословѣ́н
еси́.

Богоро́дичен: Огнь ника́коже Ты Божества́ опали́, Де́во:/ Ты бо иногд́а
купина́ прообразова́ше,/ в горѣ опаля́ема, Пречи́стая, и ника́коже
сгара́ема.

Песнь 8

Ирмос: *Царя́ Небе́снаго,/ Егóже пою́т во́и А́нгельстии,/ хвали́те и превозноси́те
во вся ве́ки.*

А́нгельское жити́е по́жил еси́ на земли́, святите́лю, смире́н и кро́ток
быв,/ отону́дуже и в земли́ кро́тких со святы́ми водворя́ешися,
Христу́ поя́:/ хвали́те и превозноси́те Егó во ве́ки.

Храм освящѣнія всечестнѣя ра́ка мо́щей твои́х, святѣтелю,/ из негѣже исцелѣний благодѣть почерпа́юще, Влады́ку всех, Го́спода поѣм,/ тебѣ целѣбника дарова́вшего, и превозно́сим Его́ во ве́ки.

Ум твой, святѣтелю, мановѣнием Божѣственным обожáемь,/ до конца́ плотски́х страсте́й удали́ся, Христу́ поя:/ хвалѣте и превозно́сите Его́ во ве́ки.

По досто́инству почита́ем, вѣрнии, мо́щей твои́х честну́ю ра́ку, Ио́но святѣтелю,/ я́ко ми́ро, почерпа́юще чудѣс благоухáние, Влады́це Христу́ вопи́юще:/ вся дела́, хвалѣте и превозно́сите Его́ во ве́ки.

Богорóдичен: Исцели́ стра́сти се́рдца моего́, безстра́стия исто́чник рѣдшая,/ и к животу́ мя Божѣственному наста́ви,/ да Тя сла́влю во вся ве́ки.

Пѣснь Богорóдицы: Вели́чит душá моя Го́спода: *<см. основной Чин>*

Песнь 9

Ирмо́с: Вои́стинну Богорóдицу/ Тя исповѣ́дуем,/ спасѣ́ннии Тобо́у, Дѣ́во Чѣ́стая,/ с Безплѣ́тными ли́ки Тя велича́юще.

Чѣ́стым се́рдцем и Божѣственными восхождѣ́нии ум вперѣ́л еси́,/ еди́наго Бо́га зрѣ́ти добро́ты желáя,/ и отту́ду светолѣ́тием просвещáешися, Богомúдре святѣтелю.

Богопредáнную па́ству твою́, па́стыря тя имúщую,/ тяжкия во́лки отгоня́юща от всех вѣ́рных,/ и ста́до, благодáтию Христóвою соблюда́емо, сохрани́, Ио́но святѣтелю.

Я́коже пѣ́рвое целомúдреннаго Ио́сифа тѣ́ло Изра́иль пренóсит,/ та́ко и ны́не ра́ку мо́щей твои́х, Ио́но святѣтелю, вѣ́рнии приѣ́млюще,/ почита́ют любѣ́зне, Христа́ велича́юще.

Днесь свѣ́тлая па́мьять тво́я, святѣтелю, возсия́вши, вѣ́рных се́рдца просвещáет;/ тѣ́мже и пѣ́ние сие́ произвѣ́дшему/ моли́ Христа́ Бо́га сохрани́тися от лука́ваго ловлѣ́ния/ и получи́ти ми́лость в День Сýдный.

Богорóдичен: Свѣ́том пока́яния помрачѣ́ннаго мя лѣ́ностию, Всенепорóчная, просвети́,/ да пою́, и велича́ю, и сла́влю Тя, Пренепорóчную Влады́чицу.

Светілен:

Тезоименіте целомудрія, от юнаго воспитанія, святителю, быв,/ потщался еси тленными нетленная стяжати,/ отонудуже и архиерейством почтен быв,/ присно о нас Владыку моли, любовь поющих тя.

Слава, и ныне, Богородичен: Щедроты Твоя, Бже, на люди и стадо Твое низпосли/ молитвами Пречистыя Твоея Матере и всех святых Твоих/ и нам даруй великую Твою милость.

<далее см. основной Чин>

Изменяемое №10

На стиховне стихиры глас 1:

Богумудре Ионо святителю,/ ты твоими молитвами и постом,/ бдением же и милостынею Богу соединился еси,/ темже Духа Пресвятаго дом и жилище показался еси,/ отонудуже и архиерей Церкви Христовы был еси./ Моли спастися душам нашим.

Стих: Уста моя возлагают премудрость,/ и поучение сердца моего разум.

Повинуясь заповеди Бога Вседержителя,/ темже от юности твоея Того стопам, святителю, последовал еси,/ сего ради от Него благодать приял еси/ действовать преславная чудеса и духи прогнати лукавые от всех,/ любовь чтущих тя.

Стих: Услышите сия, вси языцы,/ внушите, вси, живущи по вселенней.

Кроток и незлобив во всей жизни твоей пребыл еси,/ святителю Ионо,/ сего ради обрел еси,/ якоже возжелел еси, на Небесех со святыми покой./ Темже почитаем Божественную память твою,/ верою празднующе,/ Богоблаженне и всечестне.

Слава, глас 4: Егда убо Богу поспешествуящу ти, святителю,/ Царствующаго града достигл еси,/ тогда от патриарха честно прият был еси/ и оттуду паки к Российским странам посылаемь бываеши,/ мир и благословение с собоюнося./ Темже и Российская страна тебе с любовью, яко отца, восприимлет./ И судом Божиим, и самодержца хотением/ преславно на архиерейский престол возводим бываеши,/ на немже многа лета жив,/ ко Господу отходиши./ Того моли спастись любовь поющих тя.

И ны́не, Богоро́дичен. Призри на моления Твоих раб, Всенепорочная,/ утворяющи люта на ны востания,/ всякия скорби нас изменяющи./ Тя бо, Едину, твердое и известное утверждение имамы,/ и Твое предстательство стяжахом./ Да не постыдимся, Владычице, Ты призывающи,/ потщися на умоление Тебе верно вопиющих:/ радуйся, Владычице,/ всех помощи, радости и покрове,/ и спасение душ наших.

<далее см. основной Чин>

Утром 28 июня

Изменяемое №11

По 1-м стихословии седальны *глас 1:*

Учѣньми твоими и дѣлы Цѣрковь Христо́ву украси́л еси́, Ио́но святѣтелю./ Отсю́ду же в ми́ре проси́я твоѣ добродѣтельное жити́е,/ в моли́твах, и поще́ниях, и бде́ниях о́браз Цѣркве был еси́./ Те́мже вопи́ем ти:/ сла́ва Да́вшему ти крѣпость, сла́ва Венча́вшему тя,/ сла́ва Даю́щему тобо́ю всем исцелѣ́ние.

Сла́ва, и ны́не, Богоро́дичен: <далее см. основной Чин>

Изменяемое №12

По 2-м стихословии седальны *глас 4:*

Смиренномуд́рие предпочита́я был еси́, Ио́но святѣтелю,/ и отсю́ду просла́вился еси́, я́ко Божѣственный архиерѣ́й,/ принося́ жѣртву пожѣршемуся во́лею Христу́, Бо́гу нашему,/ Егѣ́же моли́ спаст́ися душа́м нашим.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь *глас 4:*

От ю́ности твоея́ весь сам себѣ Го́сподеви возложѣв,/ в моли́твах, и трудѣ́х, и в постѣ́х о́браз быв добродѣтели,/ отону́дуже ви́дев Бог твоѣ благо́е произволе́ние,/ архиерѣ́я тя и па́стыря Цѣркви Своѣй устрѣяет./ Те́мже и по преставле́нии честное́ тѣло твоѣ це́ло и нетле́нно соблюде́ся,/ Ио́но святѣтелю,/ моли́ Христа́ Бо́га, да спасѣ́т ду́ши на́ша.

Ин тропа́рь, глас 3:

Ярём Господень измлада восприим,/ и Того стопам невозвратным желанием последовал еси,/ и освященнаго подвига достиже/ святительства паству приим и чудес от Бога дары прият,/ с верою приходящим к раце мощей твоих/ подаеши различным недугом исцеление неоскудно,/ отче наш Ионо, святителю Христов,/ моли Христа Бога даровати нам велию милость.

Ин тропарь:

Божественною благодатию просветився/ и по смерти показуя светлость жития твоего,/ источаеши миру благоухания,/ притекающим к раце мощей твоих,/ и народи Московстии наставляеши ко свету богоразумия,/ Ионо, отче наш,/ моли Христа Бога/ даровати нам велию милость.

<далее см. основной Чин>

Изменяемое №14

На хвалитех стихирь:

Стих: Сотворити в них суд написан./ Слава сия будет всем преподобным Егб.

Стих: Хвалите Бога во святых Егб,/ хвалите Егб во утвержении силы Егб.

Стих: Хвалите Егб на силах Егб,/ хвалите Егб по множеству величества Егб.

Глас 8. Отче Богомудре, Ионо святителю,/ ты, от юности воздержанию поучаяся,/ и во бдениих, и в молитвах, и постех/ Господеву приближаяся,/ и молитвенницу всегда призывая Деву Богородицу,/ Еяже ради надежды не погрешил еси./ Темже архиерея ты и пастыря/ Церкви Своей Христос устрои,/ Того моли присно о душах наших.

Стих: Хвалите Егб во гласе трубнем,/ хвалите Егб во псалтири и гуслех.

Отче Богомудре, Ионо святителю,/ ты, от юности воздержанию поучаяся,/ и во бдениих, и в молитвах, и постех/ Господеву приближаяся,/ и молитвенницу всегда призывая Деву Богородицу,/ Еяже ради надежды не погрешил еси./ Темже архиерея ты и пастыря/ Церкви Своей Христос устрои,/ Того моли присно о душах наших.

Стих: Хвалите Егб в тимпане и лице,/ хвалите Егб во струнах и органе.

Отче святителю Ионо Богомудре,/ ты от младенства мирский мятеж оставил еси/ и молвы оттрясл еси,/ ума чистотою Богу приближаяся,/ сего ради ты Бог архиерея Церкви/ и людем по

достоянию Божественнаго благодателя поставляет./ Всегда моли о нас,/ низпослать душам нашим мир/ и велию милость.

Стѹх: Хвалите Егѡ в кимвалех доброгласных, хвалите Егѡ в кимвалех восклицания./ Всякое дыханіе да хвалит Господа.

Отче Богомудре, святителю Ионо,/ ты, измлада Христа возлюбив,/ Того любви прилепился еси/ и, Пресветлаго Духа Божественными зарями/ сердце твоё просветив,/ световиден весь воистинну был еси./ Темже ко храму твоему верою притекающия/ прошения, яже ко спасению, сподоби/ и моли Христа Бога спастись душам нашим.

Слѡва, глас 6: Небеснаго Царя и Владыки преизрядный служитель,/ святителю Ионо, был еси,/ чистоту бо соблюл еси,/ без неяже никтоже узрит Бога./ Темже и возмездие по достоянию приял еси:/ во гробе бо лежа, честное тело твоё/ цело и нетленно соблюдётся,/ душа же к Небесным ликостоянием прейде./ Сего ради Творцу всех молись присно/ о всех, чтущих тя любовью,/ низпослать мир и велию милость.

И ныне, Богородичен: <см. основной Чин>

Изменяемое №15

Кондак глас 8:

Желанием духовным постническое житие совершив/ и святительства паству приим,/ чистоты ради телесныя и тело твоё Владыка Христос соблюде нетленно,/ и Петру чудотворцу наследника тя содела,/ и того нраву последовал еси,/ и учителя тя Христос Своему стаду дарова,/ идеже лежат целебныя мочи твоя,/ благоухают, яко от кадила благовонна,/ и подають исцеления немощным, верою приходящим,/ святителю Ионо, моли Христа Бога непрестанно о всех нас.

Ин кондак, глас 8:

Яко от младенства Господеву поработив себе, мудре,/ постом и бдением тело твоё удручая,/ темже сосуд чист и дом Духу Пресвятому явился еси,/ сего ради и Церкви Своей тебе архиерея и пастыря устрояет,/ юже добре упас, ко Господу отходиши, Егѡже возлюбил еси./ Тем молим тя:/ поминай нас верою чтущих святу

па́мь твою́, да вси зове́м ти:/ ра́дуйся, о́тче Ио́но, святи́телю
всечестна́й.

<далее см. основной Чин>

На Литургии

Изменяемое №20

Прокімен, *глас 1*: Уста́ моя возглаго́лют премудро́сты/ и поуче́ние
се́рдца моего́ ра́зум. *Стих*: Услы́шите сия́, вси язы́цы,/ внуши́те, вси,
живу́щие по вселе́нней.

Изменяемое №21

Аллилуиа, *глас 2*: Уста праведнаго поучатся премудрости, и язык его
возглаголет суд. *Стих*: Закон Бога его в сердце его, и не запнутся
стопы его.